

BOSNA I HERCEGOVINA  
FEDERACIJA BOSNE I HERCEGOVINE  
OPĆINA LUKAVAC  
OPĆINSKI NAČELNIK  
SLUŽBA ZA ZAJEDNIČKE POSLOVE  
Broj: 10-05-3795/19  
Lukavac, 23.05.2019. godine

Na osnovu člana 64. stav (1). tačka b), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) i Preporuke Komisije za provođenje postupka javne nabavke broj: 10-05-3795/19 od 22.05.2019. godine u otvorenom postupku javne nabavke usluga za održavanje i popravku putničkih motornih vozila, Pomoćnik općinskog načelnika za Službu za zajedničke poslove d o n o s i

### **ODLUKU** **o izboru najpovoljnijeg ponuđača**

#### **Član 1.**

Prihvata se preporuka Komisije za provođenje postupka javne nabavke broj: 10-05-3795/19 od 22.05.2019. godine i okvirni sporazum za javnu nabavku usluga za održavanje i popravku putničkih motornih vozila dodjeljuje ponuđaču „Cosmos Commerce“ d.o.o Tuzla, koji je dostavio ponudu broj: 09-05-J/19-J od 09.05.2019. godine, za ponuđenu cijenu u vrijednosti od 19.029,07 KM bez PDV-a, kao najpovoljnijem ponuđaču.

#### **Član 2.**

Izabrani ponuđač je dužan da u roku od 7 (sedam) dana od dana dostavljanja ove Odluke dostavi originale ili ovjerene kopije dokumentacije iz člana 45. stav (2) tačke od ) do d) Zakona o javnim nabavkama BiH, navedene u tački 12.2. Tenderske dokumentacije broj: 10-05-3795/19, izuzev potvrde poslovne banke, obzirom da je istu dostavio kao ovjerenu kopiju u sastavu ponude.

Ukoliko izabrani ponuđač preostali dio tražene dokumentacije ne dostavi u određenom roku, ili je ne dostavi na propisan i nepotpun način, postupak dodjele ugovora za javnu nabavku bit će poništen.

#### **Član 3.**

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

#### **Član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 10-02-1-3794/19 od 22.04.2019. godine. Javna nabavka sprovedena je otvorenim postupkom. Procijenjena vrijednost javne nabavke bez PDV-a je 17.094,00 KM.

Obavještenje o nabavci broj: 719-1-2-32-3-48/19 objavljeno je na Portalu javnih nabavki dana 22.04.2019. godine.

Komisija za provođenje postupka nabavke imenovana Rješenjem broj: 02-05-3912/19 od 23.04.2019. godine dostavila je Pomoćniku općinskog načelnika za Službu za zajedničke poslove Zapisnik o pregledu i ocjeni ponuda broj: 10-05-3795/19 od 22.05.2019. godine, Preporuku o izboru najpovoljnijeg ponuđača broj: 10-05-3795/19 od 22.05.2019. godine i Izvještaj o radu broj: 10-05-3795/19 od 22.05.2019. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljena jedna ponuda;
- da je blagovremeno primljena jedna ponuda;
- da nije bilo neblagovremeno primljenih ponuda;
- da je primljena ponuda kvalifikovana i prihvatljiva, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 17.094,00 KM bez PDV-a i da je kriterij za dodjelu ugovora najniža cijena i da je u predmetnom postupku predviđena e-aukcija.

Ponuđač „Cosmos Commerce“ d.o.o Tuzla dostavio je prihvatljivu ponudu sa cijenom u iznosu od 19.029,07 KM bez PDV-a.

Nakon izvršenog otvaranja ponuda, Komisija je utvrdila da je ponuda prihvatljiva, ali da njena vrijednost prelazi obezbjeđena sredstva za predmetnu nabavku. S tim u vezi, Komisija se dana 17.05.2019. godine obratila Ugovornom organu zahtjevom broj: 10-05-3795/19, kojim traži od Ugovornog organa da utvrdi da li postoji mogućnost za povećanje budžeta za predmetnu nabavku. Dana 20.05.2019. godine, Ugovorni organ je donio Odluku o unutrašnjoj preraspodjeli bužeta broj: 10-02-1-4534/19, kojom su preraspodijeljena nedostajuća sredstva, neophodna za okončanje postupka predmetne javne nabavke.

Kako je Ugovorni organ primio samo jednu prihvatljivu ponudu to se u skladu sa članom 3. stav 3. Pravilnika o uslovima i načinu korištenja e-aukcije („Službeni glasnik BiH“ broj: 66/16) e-aukcija nije mogla zakazati.

Iz navedenih razloga, primjenom člana 64. stav (1) tačka b) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

#### **Dostaviti:**

1. Cosmos Commerce d.o.o Tuzla
2. Arhivi-



PO OVLAŠTENJU OPĆINSKOG NAČELNIKA  
POMOĆNIK OPĆINSKOG NAČELNIKA  
(ovlaštenje broj: 02-05-1055/19 od 29.01.2019.)  
Jasminka Dugorjić, dipl. pravnik